

29

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

7 ~~Ch L 9299.414~~

~~Ch L 9301.414~~

9
6

廣博物志卷之四十六

隴西董斯張纂

靜勝文庫

高陽韓 漪訂

鳥獸

哈佛大學哈佛燕京圖書館珍藏印

冥氏掌設弧張為井獲以攻猛獸以靈鼓啟之
若得其獸則獻其皮革齒須備周禮

獸人其職共膳羞故屬於此

掌罟田獸辨其名物冬獻狼

狼膏温故冬獻麋

麋膏涼故春秋獻獸物春秋寒温

適故獸物皆獻之時田則

守罟○及弊田令禽注于虞

中凡祭祀喪紀賓客共其死獸生獸凡獸入于

腊人皮毛筋角入于玉府凡田獸者掌其政

服不氏掌養猛獸而教擾之凡祭祀共盞獸賓

客之事則抗皮待獲

穴氏以其物火之以時獻其珍異

皮革

獸醫掌療獸病療獸瘍凡療獸病灌而行之以

節之以動其氣觀其所發而養之凡療獸瘍灌

而劑之以發其惡然後藥之養之食之凡獸之

有病者有瘍者使療之死則計其數

據功過進退其祿也○並上

軒轅始醫獸少昊知閭潔六畜物類

麟王者嘉祥也食嘉禾之實飲珠玉之英瑞應圖

麟一角明海內共一主也王者不割胎不剖卵

則出於郊春秋感精符

豨貉狼蹄肉角合仁懷義音中鍾呂步行中規

折旋中矩遊必擇土翔必後處廣雅

麒麟牡鳴曰遊聖牝鳴曰歸和夏鳴曰扶幼秋

鳴曰養綏 宋書

麟之青曰聳孤赤曰炎駒白曰索冥黑曰角端

黃曰麒麟 瑞應圖

歲星散為麟玉衡散為龜瑤光散為象鹿斗星

散為犬彘樞精為虎地精為馬 玄覽

昔人未見麟問嘗見者麟何類乎曰麟如麟也

問者曰若吾嘗見麟則不問子矣而曰麟如麟

寧可解哉見者曰麟鬣身牛尾鹿蹄馬背問者

霍然解 三

孔子未生時有麟吐玉書於闕里人家文云水

精之子孫衰周而素王徵在賢明知為神異乃

以繡紱繫麟角信宿而麟去至敬王之末魯人

鉏商田於大澤得麟以示夫子繫角之紱尚猶

在焉夫子知命之將終乃抱麟解紱涕泗滂沱

拾遺

記

孔子夜夢豐沛有赤煙氣起顏回子夏侶往觀

之驅車到楚西北范氏之廟見芻兒捶麟傷其

前左足束薪而覆之孔子曰兒來汝姓為誰兒

曰吾姓為赤松字時僑名受紀孔子曰汝豈有所見乎兒曰吾所見一獸如麇羊頭上有角其末有肉兒受薪下麟示孔子孔子趨而往麟蒙其耳吐三卷圖廣三寸長八寸每卷二十四字其言赤劉當起孔子精而讀之

孝經援神辨

孔子謂子夏曰得麟之月天當有血書魯端門孔聖沒周室亡子夏往觀逢一郎去門有血飛為赤鳥化而為書云

春秋說題辭

未多國人長四寸織麟毛為布以文石為牀人

形雖小而室宇崇曠織鳳毛錦以錦為帷幙也

洞冥記

王方平常乘一黃麟降蔡經家擘脯而食云是

麟脯

列仙傳

王濬平吳被謗上表曰夫猛獸當塗麒麟恐懼

晉書○以下師子

如媯欲盛故生於鴿雀鴛鴦之中曠恚盛故生於蚺蝮蛇螫中愚癡盛故生於猪羊蚌蛤中僞慢盛故生於師子虎狼中掉戲盛故生獼猴中

慳嫉盛故生餓狗中若有少分施善餘福雖生在畜生於中微樂身口二業雖由心爲主然其口業受報者多如罵人輕躁喻如獼猴卽生猴中若言貪悞如鳥語如狗吠駃如猪羊聲如驢鳴行如駱駝自高如象惡如逸牛媿如鳥雀怯如猫狸諂如野狐如是諸惡隨口受報

法苑珠林

惟畏鈎戟

束皙發蒙記

法顯將至天竺去王舍城三十餘里有一逼

暝過之顯欲詣耆闍崛山寺僧諫曰路甚艱險阻且多黑師子亟經噉人何由可至顯曰遠涉數萬里誓到靈鷲豈可使積年之誠旣至而廢耶衆莫能止乃遣兩僧送之顯至山日將曛夕遂欲停宿兩僧危懼捨之而還顯獨留山中燒香禮拜翹感舊跡如覩聖儀至夜有三黑師子來蹲顯前舐脣搖尾誦經不輟一心念佛師子乃低頭安尾伏顯足前顯以手摩之咒曰若欲相害待我誦竟若見試者可使退矣師子良久

乃去

神僧傳

沙門邵碩至四月八日成都行化碩於衆中匍匐作師子形爾日郫縣亦見碩作師子形乃悟分身也

梁高僧傳

跋摩嘗於別室坐禪累日不出寺僧遣沙彌往候之見一白師子緣柱而立巨室彌漫生青蓮花沙彌驚恐大呼往見師子豁無所見

神僧傳

佛告諸比丘汝等當聽古昔有兩惡獸爲伴一名善牙師子二名善搏虎晝夜伺捕衆鹿時有一野牛逐彼二獸後食其殘肉以自全命時彼野牛竊自生念我今不能久與相逐當以何方

便鬪亂彼二獸令不復相隨時野牛卽往善牙

師子所如是語善牙善搏虎有如是語言我生

處勝

汝種

姓勝汝形色勝汝力勢勝汝何以故我

日日得好美食善牙師子逐我後食我殘肉以自全命卽說偈曰形色及所生大力而復勝善牙不能善善搏如是說善牙問野牛言汝以何事得知答言汝等二獸共集一處相見自知爾

時野牛竊語善牙已便往善搏虎言汝知不善
牙有如是語而我今日種姓生處悉皆勝汝力
勢亦勝何以故我常食好肉善搏虎食我殘肉
而自活命爾時卽說偈言形色及所生大力而
復勝善搏不能善善牙如是說善搏問言汝以
何事得知答言汝等二獸共集一處相見自知
後二獸共集一處瞋眼相視善牙師子便作是
念我不應不問便先下手打爾時善牙師子向
善搏虎而說偈曰形色及所生大力而復勝善
牙不如我善搏說是耶彼自念言必是野牛鬪
亂我等善搏虎說偈答善牙師子言善搏不說
是形色及所生大力而復勝善牙不能善若受
無利言信他彼此語親厚目破壞便成於怨家
若以知真實當滅除瞋惱今可至誠說令身得
利益今當善降伏除滅惡知識可殺此野牛鬪
亂我等者卽打野牛殺爾時佛告諸比丘此二
獸爲彼所破共集一處相見不悅况復於人爲
人所破心能不惱

四分律

此閻浮提有大國王名曰提毗總領八萬四千

小國時世無佛有辟支佛在山林中福度衆生

禽獸亦附時有師子名曰堅擔軀體金色食果

噉草不害羣生有一獵師剝除鬚髮身著袈裟

內佩弓箭行見師子而心念言可殺取皮以用

上王足得脫貧值師子睡獵師便以毒箭射傷

師子驚覺即往欲害見著袈裟便自念言著袈

裟人不久在世必得解脫所以然者見此袈裟

乃是三世聖人標相我若害之則起惡心向三

世諸賢聖人念已息害毒前入體命在不久即

說偈言耶囉羅婆奢沙沙訶說此語時天地大

動無雲而雨諸天觀見雨準供養死已剝皮持

以奉王求索賞募王見念言經書有云若有禽

獸金色身者必是菩薩我今云何與物賞之若

與賞者同彼無異王即問言師子死時有何瑞

應獵師答言口說八字雨華動地無雲而雨王

聞語已悲喜交集即召諸臣令解是義無能解

者時山林中有一仙人名曰奢摩善解字義王

廣博生

卽請來爲王解說耶囉羅者謂剃頭著袈裟者
 當於生死疾得解脫婆奢沙者謂剃頭著染衣
 者皆是三世賢聖之相近於涅槃沙訶者謂剃
 頭著染衣者當爲一切諸天世人所見敬仰仙
 人解竟王大歡喜卽召四萬八千小王悉集共
 作七寶高車載師子皮燒香散華盡心供養打
 金作棺盛師子皮以用起哈爾時人民因是善
 心命終之後悉得生天賢愚經

佛告波斯匿王曰過去久遠阿僧祇劫此閻浮

提有一大國名波羅奈於時國王名波羅摩達
 王將四種兵入山獵戲王到澤上馳逐禽獸單
 隻一乘獨到深林王時疲極下馬小休爾時林
 中有特師子懷欲心盛行求其偶不能得值於
 林間見王獨坐嬌意轉盛思欲從王近到其邊
 舉尾背任王知其意而自思惟此是猛獸力能
 殺我若不從意儻見危害王以怖故卽從師子
 成欲事已師子還去諸兵羣從已復來到王與
 人衆卽還宮城爾時師子從是懷胎十月滿足

便生一子形盡似人唯足斑爛師子憶識知是王有便銜擔來著於王前王亦思憶知是已兒即收取養以足斑駁字為斑足○以于象

王者自養有道則白象至負不死藥瑞應圖

神靈滋液百寶為用則白象至取神藥

梁翽法師曰象一名伽那北戶錄

象曰大客天中記

漢制天子以象牙為火禮記

人希見生象也而得文選以想其

生也故諸人之所以意想者皆謂之象也韓非子

無竭至舍衛國中野逢山象一羣無竭稱名歸

命即有師子從林中出象驚惶奔走後度恒河

復值野牛一羣鳴吼而來無竭歸命如初尋有

大鷲飛來野牛驚散遂得免之神僧傳

曇無讖從兄善能調象騎殺王所乘白耳大象

王怒誅之令曰敢有視者夷三族親屬莫敢往

者懺哭而葬之王怒欲誅懺懺曰王以法故殺

之我以親而葬之竝莫違大義何為見怒傍人

爲之寒心其神色自若王奇其志氣遂留供養
之上

始興郡陽山縣有人行田忽遇一象以鼻卷之
遙入深山見一象脚有巨刺此人牽挽得出病
者卽起相與躅陸狀若歡喜前復載人就一污
濕地以鼻掘出數條長牙送還本處彼境田稼
常爲象所困其象俗呼爲大客因語云我田稼
在此恒爲大客所犯若念我者勿復見侵便見
躅躅如有馴解於是一家業田絕無其患

異苑

昔日有人行在曠路逢大惡象爲象所逐狂懼
走突無所依怙見一丘井卽尋樹根入井中藏
上有黑白二鼠牙齧樹根此井四邊有四毒蛇
欲螫其人而此井下有三大毒龍傍畏四蛇下
畏毒龍所攀之樹其根動搖樹上有蜜五滴墮
其口中于時動樹敲壞蜂窠衆蜂散飛咬螫其
人有野火起又復來燒大王當知彼人苦惱不
可稱計而彼人得味甚少苦患甚多其所味者
如牛跡水其所苦患猶如大海味如芥子苦如

須彌味如螢火苦如日月如藕根孔比於太虛亦如蚊子比金翅鳥其味苦惱多少如是尊者言大王曠野者喻於生死彼男子者喻於凡夫象喻於無常血井喻於人身樹根喻於人命白黑鼠者喻於晝夜齧樹根者喻念念滅四毒蛇者喻於四大蜜者喻於五欲衆蜂喻惡覺觀野火燒者喻其老邁下有三毒龍者喻其死亡墮

三惡道

法苑珠林

爾時摩竭國中有一長者生一男兒相貌具足甚可愛敬其生之日藏中自然出一金象父母歡喜因瑞立號名曰象護兒漸長大象亦隨大既能行步象亦行步出入進止常不相離若意不用便任在內象大小便唯出好金由是因緣庫藏寶滿象護長大恒騎東西遲疾隨意甚適人情阿闍世王聞知索看象護父子乘象在門王聽乘象入內下象拜王王大歡喜命坐賜食麕毘畧談論須臾之間辭王欲去王告象護留象在此莫將出耶象護慙然奉教留之空步出宮

未久之間象沒於地踊在門外象護還得乘之
象護慮王見害投佛出家得羅漢道

賢愚經

華氏國王有一白象能滅怨敵若人犯罪令象
蹋殺後時象旣爲火所燒移象近寺象聞比丘
誦法句經偈云爲善生天爲惡入淵象聞法已
心便柔和起慈悲心後付罪人但以鼻嗅舌舐
而去都不肯殺王見斯已心大惶怖卽召諸臣
共謀此事智臣白王此象近寺必聞妙法是故
爾耳今可移近屠肆處繫王用其言象見屠殺
惡心猛熾殘害更增是以當知一切衆生志性
無定畜生尚爾聞法生慈見殺增害豈况於人
而不染習是故智者宜應覺知見惡須棄觀善
宜近勤聽經法

昔者菩薩身爲象王其心弘遠照知有佛法僧
常三自歸每以普慈拯濟衆生誓願得佛當度
一切從五百象時有兩妻象王於水中得一蓮
華厥色甚妙以惠適妻適妻得華欣擇曰冰寒
尤甚何緣有斯華乎小妻貪嫉恚而誓曰會以

重毒鳩殺汝矣結氣而殞魂靈感化爲四姓女
顏華絕人智意流通博識古今仰觀天文明時
盛衰王聞若茲娉爲夫人至卽陳治國之政義
合忠臣王悅而敬之每言輒從夫人曰我夢覩
六牙之象心欲其牙以爲珮凡王不致之我卽
死矣王曰無妖言人聞見笑爾夫人心生憂結
王請議臣四人自云已夢曰古今有斯象乎一
臣對曰無有之也一臣曰王不夢也一臣曰臣
嘗有之所在彌遠一臣曰若能致之釋今詳於
茲矣四臣卽召四方射師問之南方師曰臣父
嘗云有之然遠難致臣上聞云斯人知之王卽
覘之夫人曰汝直南行三千里入山行二日許
卽至象所道邊作坑除汝鬚髮著沙門服於坑
中射之藏取其牙將二寸來象師如命行之象
處先射象却著法衣服持鉢於坑中止住象王
見沙門卽低頭言和南道士將以何事誠吾軀
命答曰欲得汝牙象曰吾痛難忍疾取牙去無
亂吾心令惡念生也志念惡者死入太山餓鬼

畜生道中夫懷恐行慈惡來善往菩薩之上行也人卽截牙象曰道士汝當却行無令羣象尋足跡也象適人去遠甚痛難忍躡地大呼奄然而死卽生天上羣象四來咸曰何人殺吾王者行索不得還守王屍悲痛哀號師以牙還王覩象牙心卽慟怖夫人以牙著手中適欲視之雷電霹靂椎之吐血死入地獄佛告諸沙門爾時象王者我身是也大婦者裘夷是獵師者調達是夫人者好首是

六度集經

佛言過去久遠有二國王一是迦尸國王二是比提醯國王比提醯王有大香象以香象力摧伏迦尸王軍迦尸王作是念言我今云何當得香象摧伏比提醯王軍時有人言我見山中有小白香象王聞此已卽便募言誰能得香象者我當重賞有人募言多集軍往彼取象象思惟言若我遠去父母盲老不如調順往至王所爾時衆人便自將香象向王邊王大歡喜爲作好屋具被蹋蹬敷著其下與諸妓女彈琴鼓瑟以

娛樂之與象飲食不肯食之時守象人來白王
言象不肯食王自向象所上古畜生皆能人語
王問象言汝何故不食象答王言我有父母年
老眼盲無與水草父母不食我云何食復白王
言我欲去者王諸軍衆無能遮我但以父母盲
老順王來耳王今見聽我去供養父母終其年
壽自當還來王聞此語極大歡喜我等便爲人
頭之象此象乃是象頭之人先迦尸國人惡賊
父母無供養心因此象故王卽宜令一切國內
若不孝養父母者當與大罪尋卽放象還父母
隨壽長短父母喪亡還來王所王得白象甚大
歡喜卽時莊嚴欲伐彼國象語王言莫與鬪爭
凡鬪爭法多所傷害王言彼欺陵我象言聽我
使往令彼怨敵不敢欺侮王言汝若去者或能
不還答言無能遮我使不還者象卽於是往彼
國中比提醯王聞象來至極大歡喜自出往迎
旣見象已而語之言卽在我國象白言不得卽
住我立身已來不違言誓先許彼王當還其國

汝二國王應除怨惡自安其國豈不快乎卽說
偈言得勝增長怨負則益憂苦不諍勝負者其
樂最第一爾時此象說斯偈已卽還迦尸國從
是以後二國和好爾時迦尸國王者今波斯匿
王是比提醯王者今阿闍世王是爾時白象者
今我身是也

雜寶藏經

迦葉佛時有兄弟二人俱爲沙門兄持戒坐禪
一心求道而不布施弟布施修福而喜破戒兄
從釋迦出家得阿羅漢果衣常不充食常不飽
弟生象多力能却怨敵國王所愛金銀珍寶瓔
珞其身封數百戶邑供給此象隨其所須時兄
比丘值世大儉遊行乞食七日不得末後得少
麤食劣得濟命先知此象是前世弟便往詣象
手捉象耳而語之言我昔與汝俱有罪也象思
比丘語卽識宿命見前因緣愁憂不食象子怖
懼便往白王王問象子先無人犯此象不象子
答曰無他異人唯一沙門來至象邊須臾便去
王卽遣人覓得沙門問言至象邊何所道耶沙

門答曰我語象云我與汝俱有罪耳沙門向王具說如上王意便悟卽放沙門

譬喻經

太子至年十歲與兄弟揃力將欲出城于時有一大象當城門在諸人皆不敢前提婆達多以手搏頭卽便躡地難陀以足指挑擲著路傍太子以手執象擲著城外還以手接不令傷損象又還甦時諸人民歎未曾有

因果論

時有敵國怨家聞太子好喜布施在所求索不逆其意卽會諸臣及衆道士共集議言葉波國王有行蓮華上白象名須檀延者多力健鬪每與諸國共相攻伐此象常勝誰能往乞者諸臣或言無能往者中有婆羅門八人卽白王言我能往乞當給我糧王卽給之王便語言能得象者我重賞邀士八人卽詣葉波國至太子宮門悉皆拄杖俱翹一腳任自說言故從遠來欲有所乞太子聞之甚大歡喜便出迎之前爲作禮如子見父因想慰勞問何所求道士答言我聞太子好喜布施不逆人意欲從太子乞行蓮華

上白象太子卽將至廐中令取一象道士等八人言我正欲得行蓮華上白象名須檀延者太子言此大象是我父王之所愛重王視如我若與卿者我卽失父王意或逐我出國太子卽曰思惟我前有要在所布施不逆人意今不與者違我本心若不以此象施者何從得成無上平等卽勅左右被象金鞍疾牽來出太子左手持水澡道士手右手牽象以授與之八人得象卽咒願太子累騎白象歡喜而去

法苑珠林

晉有二人從師學道俱到他國路見象跡一人言此是母象懷雌子象一目盲象上有一婦人懷女兒一人言汝何以知之答曰以意思知汝若不信前到見之二人俱及象所悉如所言一人自念我與汝俱從師學我獨不見而汝獨知後還白師師爲重開乃呼一人問曰何因知此答曰是師常所教導者我見象小便地知是雌象見其右足踐地深知懷雌也見道邊右面草不動知右目盲見象所止有小便知是女人見

右足踏地深知懷女我以纖密意思惟之耳師
曰夫學當以意思穩審乃達也法苑珠林
却塵犀海獸也然其角辟塵致之於座塵埃不
入述異記
以下犀

犀行過叢林不通便開口露齒前向直指棘林
自開林邑國記

犀角駭狐淮南萬畢術

獸曰玄犀處自林麓食唯棘刺體兼五肉或有
神異表露以角含精吐靈望如華燭置之荒野

禽獸莫觸南海異物志

犀角之好者稱雞昧白廣志

江水為害蜀守李冰作石犀五枚二枚在府中
一枚在市橋下二枚在水中以壓水精因曰石

犀里蜀王本記○以下獬廌

獬廌廣韻作獬豸

獬廌即獬廌也

獬豸名神羊寤竒名神狗宛委餘編

獬廌食棟風俗通

解廌似山牛一角神人以廌遺黃帝帝曰何食
何處曰食薦春夏處水澤秋冬處松柏說文

堯時有獬廌緝其毛為帝帳田俶子以下熊

愛熊而食之鹽愛獺而飲之酒雖欲養之非其

道淮南子

熊山有穴焉熊之穴恒出神人夏啟而冬閉是

穴冬啟乃必有兵山海經

熊獸藏於山穴穴裏不得見穢及傷殘則合穴

自死又有居大樹孔中東土呼熊為子路以物

擊樹云子路可起於是使下不呼則不動也述異

記

陸居曰熊水居曰能土

赤熊倭人遠姦猶息則入國宋書

熊獸似豕山居冬蟄說文

晉平公夢見赤熊闕屏惡之而有病使問子產

子產曰昔共工之卿曰浮遊既敗於顓頊自沒

沉淮之淵其色赤其言善笑其形善顧其狀如

熊常為祟見之堂上天下之主死見堂下則邦

人駭見門則臣憂見庭則無傷窺君之屏病而無傷祭顓頊共工則瘳公如其言而疾間

瑣語

邵陵高平黃秀以元嘉三年入山經月不還其兒根生尋覓見秀蹲空樹中從頭至腰毛色如熊問其何故荅曰天譴如此汝但自去生哀慟而歸逾年伐山人見形盡爲熊矣

異苑

有人入林伐木迷惑失道時值大雨日暮饑寒惡蟲毒獸欲侵害之是人入石窟中有一大熊見之怖出熊語之言汝勿恐怖此舍溫暖可於

中宿時連雨七日常以其果美水供給此人七日雨止熊將此人示其道徑熊語人言我是罪身多人怨家若有問者莫言見我人荅言爾此人前行見諸獵者問汝從何來見有衆獸不荅言見一大熊於我有恩不得示汝獵者言汝是人黨以人類相觀何以惜熊今一失道何時復來汝示我者我與汝多分此人心變卽將獵者示熊處所獵者殺熊卽以多分與之此人展手取肉二肘俱墮獵者言汝有何罪荅曰是熊看

我如父視子今我負恩將是罪報獵者恐怖不敢食肉持施衆僧上座是羅漢語諸下座此是菩薩未來出世當得作佛莫食此肉即時起塔供養王聞此事勅下國內背恩之人無令在此

法苑珠林

○以下虎

大虎出有時猶龍見有期也陰物以冬見陽蟲以夏出出應其氣氣動其類參伐以冬出心尾以夏見參伐則虎星心尾則龍象象出而物見氣至而類動天地之性也

論衡

虎有子不能搏攫者殺之爲其墮也

淮南子

虎行以爪圻地卜食觀竒偶而行今

者曰虎卜

鵲食獨獨食駸駸食豺豺食駸

如玄龜食蛭飛鼠斷猿狼虱喫鶴青

以小制大所謂禽之制其氣也

虎交而月暈

雜俎

山中寅日有自稱虞吏者虎也稱當路君者狼也稱令長者老狸也卯日稱丈夫者兎也稱東

遺傳勿忘

王父者麋也稱西王母者鹿也辰日稱雨師者龍也稱河伯者魚也稱無腸公子者蟹也已日稱寡人者社中虵也稱時君者龜也午日稱三公者馬也未日稱主人者羊也稱吏者麀也申日稱人君者猴也稱九卿者猿也酉日稱將軍者鷄也稱捕賊者雉也戌日稱人姓字者犬也稱城陽公仲者狐也亥日稱人君者猪也子日稱社君者鼠也稱神人者伏翼也丑日稱書生者牛也但知其物名則不能為害也 抱朴子

四方煩擾小民失恩虎銜魚 斗運推

虎陳魏宋楚之間或謂之李父江淮南楚之間

謂之李耳 虎食物值耳即或謂之於虵 於音烏今江南

山夷呼虎為自關東西或謂之伯都 俗曰伯都事詳虎說

○方言

寅獸白齒亦能見機亦云寅客 真誥

漢中山有虎生角道家云虎千年則牙蛻而角

生 述異記

堯為天子季秋下旬夢白虎遺吾馬喙子其母

曰扶始升高丘賭白虎上有雲感已生臯陶索
扶始問之如堯言明於刑法故立臯陶為大理

元命苞

天命湯白虎戲朝其終白虎在野

春秋孔

有虎在乎葭中天子將至七萃之十高奔戎請

生捕虎必全之乃生捕虎而獻之天子命之為

柙而畜之東虞是為虎牢

穆天子傳

周王欲殺王子宜咎立伯服釋虎將執之宜咎

叱之虎弭耳而服

項語

周幽王時牛化為虎羊化為狼洛南有避狼城

云幽王時羣羊為狼食人故築城避之今洛中

有狼村是其處也

述異記

孔子嘗遊於山使子路取水逢虎於水所與其

戰攬尾得之內懷中取水還問孔子曰上士殺

虎如何子曰捉虎頭又問中士殺虎如何子曰

捉虎腰又問下士殺虎如何子曰捉虎尾子路

出尾棄之因恚孔子曰夫子知水所有虎使我

取水是欲死我乃懷石盤欲中孔子又問上士

高軍堂

殺人如之何子曰上士殺人用筆端又問中士
殺人如之何子曰中士殺人用舌又問下士殺
人如之何子曰下士殺人懷石盤子路出而棄
之於是心服 殷芸小說

齊景公獵上山見虎下澤見蛇問晏子曰此不
祥耶曰有賢不知知而不用用而不任此不祥

也山見虎室澤是馳窟何不祥乎 說苑

中行見伯手搏虎而不能生也 力能殺虎而蓋
德不能服之

力優而竟不能及也 淮南子

趙王遊於圃中左右以兔與虎而輒觀之時然

環其眼王曰可惡哉虎目也左右曰平陽君之

目可惡過此見此未有害也見乎陽君之目如

此者則必死矣 韓子

漢景帝好遊獵見虎不能得之乃為珍饌祭所

見之虎帝乃夢虎曰汝祭我欲得我牙皮耶我

自殺從汝取之明日帝入山果見此虎死在祭

所乃命剝取皮牙餘肉復為虎 獨異志

都區寶者後漢人居父喪鄰人格虎虎走趨其

廬中卽以蓑衣覆藏之鄰人尋跡問寶寶曰虎豈有可念而藏之乎此虎後送禽獸以助寶祭

安成

顧少連補登封主簿邑有虎孽民患之少連命

塞陷竄移文獄神虎不為害

汝南先賢傳

王業字子香為荊州刺史有德政卒於支江有

三白虎低頭曳尾宿衛其側及喪去踰州境忽

然不見共立碑文號曰支江白虎也

陳留耆舊傳

葛仙翁憑白桐儿學道數年白日登仙儿化為

白虎三脚兩頭往往人見之

會稽典錄

道士王暉者魏時人白羊公之弟子也居華嶽

洞真觀常種黃精於溪側虎為之耕豹為之耘

出入亦乘虎豹具薦轡行鞭策如人乘馬無異

餌黃精蒼木積有歲時其後以道術傳王法冲

乃尸解而去

真仙通鑑

晉武帝太康六年南陽獲兩足虎虎者陰精而

居乎陽金獸也南陽火名也金精入火而失其

形王室亂之妖也其七年十一月景辰四角獸

見於河間天戒若曰角兵象也四者四方之象
當有兵革起於四方後河間王遂連四方之兵
作爲亂階

搜神記

江漢之域有羆人其先廩君之苗裔也能化爲
虎長沙所屬蠻縣東高居民曾作檻捕虎檻發
明日衆人共往格之見一亭長赤幘大冠在檻
中坐因問君何以入此中亭長大怒曰昨忽被
縣召夜避雨遂誤入此中急出我曰君見召不
當有文書耶卽出懷中召文書於是卽出之尋
視乃化爲虎上山走或云羆虎化爲人好著紫
葛衣其足無踵虎有五指者皆是羆

晉太元元年江夏郡安陸縣師道宣年二十二
少未了了後忽發狂變爲虎食人不可紀後有
一女子樹上採桑虎取食之竟乃藏其釵釧於
山石間後復人形知而取之經年還家復爲人
遂出仕官爲殿中令史夜共人語忽道天地變
怪之事道宣自云我曾得病發狂遂化爲虎啗
人言其姓名同坐人或食其父子兄弟者于

是號哭捉送赴官遂餓死建康獄中

丹陽人沈宗在縣治下以卜為業義熙中左將軍檀侯鎮姑熟好獵以格虎為事忽有一人著皮袴乘馬從一人亦著皮袴以紙裹十餘錢來詣宗卜云西去覓食好東去覓食好宗為作卦卦成告之東向吉西向不利因就宗乞飲內口著甌中狀如牛飲既出東行百餘步從者及馬皆化為虎自此以後虎暴非常

蘇易者廬陵婦人善看產夜忽為虎所取行六七里至大壙厝易置地蹲而守見有牝虎當產不得解匍匐欲死輒仰視易怪之乃為探出之有生子生畢牝虎負易還再三送野肉於門內

並上

介象入山冀遇神仙臥石上有一虎往舐象額象謂曰天使汝來侍衛我者汝且停若山神使汝試我者汝自去虎乃去

神仙傳

永初中邵都梁馮恭醉卧於山路夜有虎來以頭枕其背恭中宵展轉以手搏之復大寢向曉

始醒猶見虎蹲在脚後若有宿命非智力所及也

異苑

晉沙門釋法安者廬山之僧遠法師弟子也義熙末陽新縣虎暴甚盛縣有大社樹下有築神廟左右民居以百數遭虎死者夕必一兩人法安嘗遊其縣募投此村民以懼虎早閉門閤且不識法安不肯受之法安遙之樹下坐禪通夜向曉有虎負人而至投樹之北見安如喜如跳伏安前安為說法授戒虎踞地不動有頃而去至旦村人追死者至樹下見安大驚謂其神人故虎不害自茲以後虎患遂息

法苑珠林

晉時會稽嚴猛婦出採薪為虎所害後猛行至蒿中忽見云君今日行必遭不善我當相勉也既而俱前忽逢一虎跳踉向猛婦舉手指虎狀而遮護須臾有二胡人荷戟而過婦因指之虎即擊胡猛得免也

異苑

宋元嘉中章安縣人常屠虎至海口見一蟹大如筮脚長三尺取食甚美其夜夢一少姬語云

汝噉我肉我食汝心 明日其人為虎所食

商亮字子華舉孝廉 到陽城遇兩虎爭一羊亮

按劍直前斬羊虎乃 各以其一半去時人為之

謠曰石里之勇商子 華暴虎見之藏爪牙

義熙四年東陽郡大 朱縣吳道宗少失父單與

母居會道宗取債不 在隣人聞其屋中砰礚之

聲闕不見其母但有 烏斑虎在其室中鄉曲驚

怕恐虎入食其母便 鳴鼓會人共往救之圍宅

突進不見其虎但見 其母語如常不解此意兒

還母語之曰宿罪見 追當有變化事後一月日

便失其母縣界內虎 灾屢起皆云烏斑虎百姓

患之發人格擊之殺 數人後人射虎中膺弁戟

刺中其腹然不能即 死經數日後虎還其家故

床上不能復人形伏 床上而死其兒號泣而葬

其母如法朝夕哭臨 齊諧記

梁衡山侯蕭泰為雍 州刺史鎮襄陽時虎甚暴

村門設檻機發村人 炬火燭之見一老道士自

陳云從村告乞還誤 落檻中共開之出檻即成

虎馳去

梁末始興人黃乾有妹小珠聘同縣人李肅小珠共嫂入山采木實過神廟而小珠在廟戀慕不肯歸及將還復獨走上廟見人卽入草中乾妻來告肅肅以爲更有他意肅被縣召將一伴夜還值風雨見廟屋有火二人向火炙衣見神床上故衣少聞聞外有行聲二人惶怖入神床屏風後須臾見一虎振尾奮迅直至火邊自脫牙爪卷皮置床上着衣向火坐肅看乃小珠也肅往抱小珠共語不應明日將歸送向乾家乃閉置一室擲生肉則接食之其母恒看守之惟一見猪少日又成虎村人乃將弓弩上舍發屋射殺之

虎奮

廷尉沈僧照聽南山彪嘯云國有邊事當選人

下

梁典

後周楊忠從太祖狩於龍門獨當一虎左挾其腰右拔其舌太祖壯之北臺謂虎爲捨于因以字之

周書

曇詢山行值二虎相鬪累時不歇詢乃執錫分之以身爲翳語云同居林藪計無大乘幸各分路虎低頭受命便飲氣而散屢逢熊虎交諍事略同此而或廊居榛梗唯詢一蹤人鳥不亂獸見如偶每入禪定七日爲期白虎入房仍爲窟宅獨處靜院不出十年初遘疾彌留忽有神光照燭香風拂扇又感異鳥白頸赤身繞院空飛聲淚哀切氣至大漸鳥住堂基自後狎附不畏人物或在房門至於卧席悲叫逾甚血沸眼中

化鳥便飛出外空中旋轉奄然翔逝又

猛虎透院悲吼兩宵雲昏三日天地結慘

神僧傳

釋靜藹附節終南有終焉之志煙霞風月用祛亡返山本無水須便澗飲當於昏夕覺人侍立忽降虎來前咆地而去及明觀之漸見潤濕使人淘掘飛泉通涌從是已來遂省挹酌今錫谷避世堡虎咆泉是也

法苑珠林

有人常隨佛調山行數十里天暮大雪調入石穴虎窟中宿虎還共卧窟前調謂虎曰我辱汝

處有愧如何虎乃弭耳下山

補僧傳

竺曇猷移始豐赤城山石室坐禪有猛虎數十
蹲在猷前猷誦經如故一虎獨睡猷以如意扣
虎頭問何不聽經俄而羣虎皆去有頃壯虵競
出大十圍循環往復舉頭向猷經半日復去上
雪山之下多有裸類諸獸馳遊各各相隨任其
以食時彼獸中有一特虎端正少雙於諸獸中
此比類者彼虎如是毛色光鮮爲於無邊諸獸
覓欲取爲對各各皆言汝屬我來汝屬我來

復有諸獸自相謂言汝等且待莫共相爭聽彼
特虎自選取誰卽爲匹偶彼獸卽是我等之王
時諸獸中有一牛王向於特虎而說偈言世人
皆取我之糞持用途地爲清淨是故端正賢特
虎應當取我以為夫是時特虎向彼王說偈答
言汝項斛領甚高大止堪駕車及挽犁云何將
此醜身形忽欲爲我作夫王是時復有一大白
象向於特虎而說偈言我是雪山大象王戰鬥
用我無不勝我既有是大威力汝今何不作我

妻是時特虎復以偈答彼白象言汝若見聞獅子王膽龍驚怖馳奔走遺失屎尿狼藉去云何堪得為我夫爾時彼中有一獅子諸獸之王向彼特虎而說偈言汝今觀我此形容前分濶大後纖細在於山中自恣活復能存恤餘衆生我是一切諸獸王無有更能勝我者若有見我及聞聲諸獸悉皆奔不任我今如是力猛壯威神甚大不可論是故賢虎汝當知乃可為夫作於婦時彼特虎向獅子而說偈言大力勇猛及威神身體形容悉端正如是我今得夫已必當頂戴而奉承

法苑珠林 以下鹿

魚懷珠而鱗紫鹿帶玉而角斑 說林

鹿食龜鹿食虵 玄覽

鹿者純善之獸王者則白鹿見王者明惠及下

則見 瑞應圖

白麀王者刑罰理則至 說文

蠖為蚊黃魚為鸚鵡汝魚之斑者為鹿

邪希有鹿兩頭而角且千一角者為天鹿兩角

者為辟邪道書有五頭鹿其角且千

大林中塔佛與調達昔為鹿王佛代孕鹿命處

鹿野之號因此得名 西域傳

蜀郡順墓山山有穴如墓之口故名嵯巘直峭

有平地百餘步坦然方正諸山之鹿一日一聚

其中號曰鹿市 圖經

黃帝時南夷乘白鹿來獻鬯 宋志

夏禹之時神鹿行於河水 金樓子

仙鑑

太微真人尹澄字初默嘗行山中遇鹿有傷足

躓頓不前者澄哀其苦乃以藥封之後因入山

忽遇洪雨食盡衣單困於林數時有羣鹿奄至

相依而止饑則吮其乳安則卧其懷相隨累日

而返 上

夷齊棄薇不食有白鹿乳之

楚元王在鬱林大獵於雲夢之澤有鹿哀鳴王

釋之後吳侵楚萬鹿乘月黑馳繞吳軍若萬馬

奔聲吳軍驚遁楚王明日達吳營見鹿無數環

之一大白鹿叙其報恩曲折楚王乃為立廟以旌其德

辛孟年七十與麋鹿同羣遊世謂之鹿僊

潘岳關中

記

丁茂字仲慮交趾人也至孝母終負土治冢列

廣州先賢傳

植松栢白鹿遊乎左右

黃列子者嘗遊獵九江射中五色神鹿逐跡尋穴遇神芝服而得仙

楚王英宮樓未成鹿走上階其後果薨昌邑王

時夷鵠鳥集宮殿下其後昌邑王竟亡會稽東郡都尉禮文伯時羊伏廳下其後遷為東萊太守都尉王子鳳時麋入府中其後遷丹陽太守

論衡

成帝末年宮中雨一蒼鹿殺而食之其味甚美

述異記

辛繕字公文少治春秋詩易隱居弘農華陰弟子受業者六百餘人所居傍有白鹿甚馴不畏

人三輔央錄

襄陽蘇嶺山廟門右有二石鹿夾之故謂之鹿門
山習氏記云習郁嘗為侍中從光武幸黎丘郁
與光武俱夢見蘇嶺山神因使立祠部重產記
云雙石鹿自立如麒麟採伐人常過其下或有時
不見鹿因是知有瑞梁天監初有蚌湖村人
於此澤間獵見一鹿極大有異於恒鹿乃走馬
逐之鹿即透澗直上山蘇嶺人逐鹿至神所遂失
所在惟見廟前一石鹿獵者疑是向者鹿所化
遂迴其夜夢見一人著單巾績黃布袴褶語云
使君遣我牧馬汝何驅迫賴得無他若見損傷
豈得全濟

襄陽記

昔番陽郡安樂縣有人姓彭世以捕射為業兒
隨父入山父忽蹶然倒地乃變成白鹿兒悲號
追鹿超然遠逝遂失所在兒於是不捉弓終身
至孫復學射忽得一白鹿乃於鹿間得道家之
星符有其祖姓名年月分明視之惋悔乃燒去
弧矢

列異傳

有一士人姓車是淮南人天雨舍中獨坐忽有

二年少女來就之著紫纈襦立其牀前共語笑
車疑之天雨如此女人從外來而衣服何不沾
濕必是異物其壁上先挂一銅鏡徑數寸回顧
鏡中有二鹿在牀前因將刀斫之而悉成鹿一
走去獲一枚以爲脯食之

五行記

有人捕鹿獲之爲人所竊詣管輅爲卦云東巷
第三家候無人時發其屋頭第七椽以瓦著椽
下明日食時自送還汝也其夜盜者父患頭痛
亦來自占輅令歸之病乃愈

異苑

昔張盪踰及孺窳成二天竝精思於蜀雲臺山
石室中忽有一人著黃練單衣葛巾到其前曰
勞乎道士乃辛苦幽深於是二人顧視於鏡乃
見是鹿也因問曰汝是早中老鹿何敢詐爲人
形也言絕卽逐其鹿而走去

抱朴子

東晉義熙中鄱陽李嬰李滔兄弟二人善於用
弩嘗得大鹿解其四脚懸著樹上以臙爲炙方
欲共食遙見山下有人長三丈許疾步而來手
持大囊旣至斂取鹿頭髀皮骨并火上雜肉悉

廣博物志 卷之四十六
納囊中徑負入山嬰兒兄弟須臾俱卒

石勒常備於臨水爲遊軍所囚會有羣鹿傍道
軍人競逐之勒乃獲免俄而見一老父謂勒曰
向來羣鹿者我也君應爲列國主故相救耳

貞山在毘陵郡梁時有村人韓文秀見一鹿產
一女子在地遂收養之及長與凡女有異遂爲
女冠梁武帝爲別立一觀號曰鹿娘後死入棺
武帝致祭開棺視之但聞異香不見骸骨遂
棺於毘陵因號其葬處爲貞山

述異記

沙門惠原本姓春丘義陽人也少以弓弩爲業

至武陵山射一孕鹿將死能言曰吾先身只殺
汝汝今遂併殺害我母子既是緣對應爲汝死
復向言曰吾尋當成佛也汝可行善生生代代
勿復結冤惠原卽悟前緣遂落髮於鹿死之處
而置迦藍名耆闍窟山寺王融別傳言惠死後
十年有人於武當山下見之

朗州圖經

慧約季父喜畋獵化終不改約常歎曰飛走之
類去人甚遠好生惡死此情何別乃絕羶腥叔

父遂避於他里恣行勦戮夢赤衣使者手持矛戟謂曰汝終日殺生菩薩教化又不能止捉來就死驚覺汗流且便毀諸獵具深改前咎約復至常所獵處見麋鹿數十頭騰倚隨船若有愧謝者神僧傳

梁小莊嚴寺在建康定陰里本是晉零陵王廟地天監六年度禪師起造時有鄒文立者世以烹屠爲業嘗欲殺一鹿鹿跪而流淚以爲不祥卽加剗剖鹿懷一麋尋當產育就庖哀切有惻害心因斯患疾眉鬚皆落身瘡竝壞因生慚愧深起悔責乃求道度禪師發露重懺立大誓願罄捨家貲廼買此地爲立伽藍梁京寺記

僧崖焚身後八月中獵人牟難當者於就嶠山頂行獵搦箭弓弩舉眼望鹿忽見崖騎一青麋獵者驚曰汝在益州已燒身死今那在此崖曰誰道許誑人耳汝能燒身不射獵得罪也汝當勤力作田矣便爾別去又至冬間崖兄子於溪中忽聞山谷喧動若數萬衆舉望見崖從以兩

僧執錫而行因追及之欲捉袈裟娑崖曰汝何勞
捉我乃指前雞豬曰此等音聲皆有詮述如汝
等語他人不解餘國言音汝亦不解人畜有殊
皆有佛性但爲惡業故受此形汝但力田莫養

禽畜

神僧傳

有佛世尊號曰寶德我時作摩訶之子此會衆
生住佛智慧者往昔之時悉在鹿中我時發願
如是諸鹿我皆令住佛智慧中時鹿聞已尋皆
發願得如是一切勇

法苑珠林

昔有一菩薩身爲九色鹿毛色九種角自如雪
常在恒水邊飲食水草與一鳥爲知識時水中
有一溺人隨流來下或出或沒仰頭呼天山神
樹神諸天龍神何不愍我鹿聞下水救之語言
汝可騎我捉我角負出上岸溺人下地繞鹿三
匝向鹿叩頭乞爲人天作奴給其使令採取水
草鹿言不用且各自去欲報恩者莫道我在此
人貪我皮角必來殺我時國王夫人夜夢見九
色鹿卽詐病不起王問何以答曰我昨夜夢見

非常之鹿其毛九種色其角白如雪我思欲得
其皮作坐褥其角作拂柄王當爲我得之王若
不得我將死矣王募國中若有能得當分國而
治賜其金鉢盛滿銀粟賜其銀鉢盛滿金粟溺
人聞之欲取富貴念是鹿是畜生死活何在往
至王所言知鹿處王大歡喜言汝若能得其皮
角來者報之半國溺人面上卽生癩瘡溺人言
大王此鹿雖是畜生大有威神王宜多出人兵
乃可得耳王卽大出人衆徑到恒水邊鳥在樹
頭見人兵來卽呼鹿言辯識且起王兵來至鹿
熟睡眠卧不覺鳥下喙耳鹿方驚覺四向顧望
無復走地便往趣王車邊傍臣欲射王曰莫射
此鹿非常將是天神鹿言大王且莫射我我前
活王國中一人鹿復長跪問王曰誰道我在此
王便指示車邊癩面人是也鹿卽仰頭視此人
面眼中淚出不能自勝此人前溺在水中我不
惜身命自投水中負此人出約不相道人心反
復不如水中浮木也王有愧色乃曰汝受其恩

柰何反欲殺之背恩如是即下勅國中若有驅逐此鹿者當誅五族其人因癩而死九色鹿經

昔有國王名梵達多以此林施與羣鹿故名施鹿林如羯蘭鐸迦長者於王舍城竹林園中穿

一池以施羯蘭鐸迦鳥令其遊戲因名施羯蘭

鐸迦池此亦如是故名施鹿林法苑珠林

昔摩竭國甘黎園中城北石室窟中有衆多獵

師入山遊獵廣施羅網殺鹿無數復還上山時

有一鹿墮彼樞樞去聲中大聲呼喚獵師聞已各

各奔馳自還墮樞傷害人民不可勝數雖復不

死被瘡極重痛不可言谷相扶持乃到其舍求

諸膏藥以傅其瘡室家親各迎屍喪歸還被

瘡衆生念知瘡瘥厭患避獵宿緣應度便自捨

家學道作沙門

佛告諸比丘過去久遠無量世時波羅柰國中

有山名曰仙山有梵志住彼山任大小便利於

石上後有精氣墮於行處有一雌鹿來舐即便

有身十月滿足來至仙人所生一女子端正殊

妙唯脚似鹿梵志取之養育長成梵志事火使
火不絕此女宿火小不用意使令火滅此女恐
怖畏梵志瞋有餘梵志離此任處此女往彼乞
火梵志見跡跡有蓮華三安此女言遠我舍七布
當與汝火若去時亦遶七布莫行本踪異道而
還卽如其言取火而去時梵豫國王出行遊獵
見彼梵志繞舍周帀十四重蓮華復見二道有
兩行華怪其所以問梵志言都無水池云何有
此妙華彼具答之王尋出半跡至梵志所從索女
看見其端正甚適悅意卽從梵志求索此女梵
志與王王卽立爲第二夫人後時有身相師占
言當生千子王天夫人聞已生妬漸作計校恩
厚招喻鹿女左右多與財寶十月滿足便生千
葉蓮華欲生之時大夫人以物縵眼不聽自看
捉臭爛馬肺承著其下取千葉蓮華盛著籃裏
擲于河中還爲解眼而語之言看汝所生唯見
一段臭爛馬肺王遣人問爲生何物而答王言
唯生臭肺大夫人而語王言王喜倒惑此畜生

所生仙人供養生此不祥臭穢之物王夫夫人
卽便退其夫人之職不復聽見時烏耆延王將
諸徒衆從夫人綵女下流遊戲見黃雲蓋從河
上流隨水而來王作是念此雲蓋下必有神物
遣人往看于黃雲下見有一籃卽便接取開而
看之見千葉蓮華葉葉有一小兒取之養育以
漸長大各有大力烏耆延王常貢獻梵豫王集
諸獻物遣使欲去諸子問言欲作何等時王答
言欲貢獻彼梵豫國王諸子答言若有一子猶
望能服天下使來貢獻况有千子而當獻他千
子卽時將諸軍衆降伏諸國次到梵豫國王聞
軍至募其國中誰能攘却如此之敵都無有人
能攘却者第二夫人來受募言我能却之問言
云何得却夫人答言但爲我作百丈之臺我坐
其上必能攘却作臺已竟夫人在上而坐爾時
千子欲舉弓射自然手不能舉夫人語言汝慎
莫舉手向父母我是汝母千子問言何以爲驗
母答子言我若搆乳一乳有五百岐各入汝口

是汝之母若當不爾非是汝母卽時兩手搆乳一乳之中有五百岐入千子口中其餘軍衆無有得者千子降伏向父母懺悔諸子于是和合二國無復怨讐

禱寶藏經

往昔久遠無數世時有五通比丘名精進力在
山中樹下閑寂求道時有四禽獸依附左右常
得安隱一者鴿二者烏三者毒蛇四者鹿是四
禽獸者晝行求食暮則還宿四禽獸一夜自相
問言世間之苦何者爲重烏言饑渴最苦鴿言
之時身羸目冥神識不寧投身羅網不顧鋒刃
我等喪身莫不由之以此言之饑渴爲苦鴿言
蠕欲最苦色欲熾盛無所顧念失身滅命莫不
由之毒蛇言眩暈最苦毒意一起不避親疎亦
能殺人復亦自殺鹿言驚怖最苦我在林野心
怛怵惕畏懼獾節及諸豺狼鬚鬣有聲奔投坑
岸母子相捐肝膽悼悸以此言之驚怖爲苦比
丘聞之卽答之曰汝等所論是其末耳不究苦
本天下之苦無過有身身爲苦器憂畏無量吾

以是故捨俗學道滅意斷想不貪四大欲斷苦源志存泥洹是故知身為大苦本故書云大患

莫若於身也 法苑珠林 ○以下兔

赤兔王者德盛則至 宋書

白兔王者敬者老則見 上

王者恩加耆老則白兔見一本曰王者應事疾

則見赤兔者王者德茂則見 瑞應圖

熒惑不明雉兔焉 春秋考異

君失德則地吐泉魚啣兔 春秋元命苞

兔毫出玄菟樂浪 范子計然

殷紂時龜生毛兔生角是甲兵將興之兆 述異記

宣王三十年有兔舞於鎬京 竹書紀年

后羿獵於巴山獲一兔大如驢異之置柙中中

塗失去柙掩如故羿夜夢一人冠服如王者謂

羿曰我鵷扶君為此土之神而何辱我我將假

手於逢蒙是日逢蒙弑羿而奪之位兔曰鵷扶

自此始也 雲窓私志 ○以下馬

趣馬 趣養馬者 掌贊正良馬 贊助校人而正 而齊其

良馬之弗良者 高軍堂

飲食所以養之使無饑渴之害簡其六節所以閑之以辨六馬之等掌駕

說之頒駕以行說以止有勞逸之節故叙而頒之說稅辨四時之居治

居謂牧廐所處之宜治謂以聽馭夫周禮執駒攻特之屬治直吏反

巫馬掌養疾馬而乘治之相醫而藥攻馬疾受

財于校人馬死則使其賈粥之入其布于校人

圉師掌教圉人養馬春除蓐釁廐始牧夏庠馬

冬獻馬射則充楛質茨牆則剪鬮

圉人良馬匹一人掌養馬芻牧之事以役圉師駑馬麗一人

凡賓客喪紀牽馬而入陳廡馬亦如之

馬質主平掌質馬質正也買馬馬量三物三材

必量其高下然後可知其價也一曰戎馬二曰田馬三曰駑馬

下材而共元事之馬皆有物賈以其材之美惡綱惡馬馬

惡者則綱維之所以禁其奔踈也凡受馬於有司者有司謂校人之屬受

馬謂國事當用馬者書其齒毛與其賈馬質則書其年齒毛色及其價備

馬死則旬之內更旬之外入馬耳以其物更其

外否馬及行則以任齊其行若有馬訟則聽之

有爭馬之訟則聽其曲直禁原蠶者原再也蠶為龍精與馬同祖一歲再蠶則蠶勝

而馬衰故禁之

校人馬官之長掌王馬之政政謂差擇辨六馬之屬

馬之屬不同而所駕亦異故辯之種馬一物種謂馬之至良而

用之一物者謂戎馬一物戎路駕齊馬一物金

以類相從也道馬一物象路駕田馬一物田路駕駑馬

一物以給宮中之役凡頒良馬而養乘之頒良馬謂頒

人趣馬馭夫僕夫也乘馬一師四圉四匹曰乘

養之乘之然後教也乘馬一師四圉養馬曰圉

乘馬分為四圉圉師一人主之三乘為皐馬十二皐一趣馬上

一人主之三皐為繫馬三十六繫一馭夫中士一六

繫為廐馬二百一十廐一僕夫上士一六廐成

校六馬各一廐共成一校息校有左右二校

左駑馬三良馬之數五馬皆旬良馬惟駑馬麗

馬一圉二馬為麗是二八麗一師馬十六匹八

師一趣馬馬百二十八八趣馬一馭夫馬一十

匹共一馭夫也駑馬三良馬之數五良一天

駑凡一千四百五十六匹而王馬大備矣子十有二閑

閑必木為之以防馬也六廐馬六種馬戎馬齊馬邦國六閑諸侯良馬三馬四

種無種馬戎馬也家四閑卿大夫良馬一馬二種止有

馬祖祭天執駒馬二歲為駒性未定執之無令近母夏祭先牧祭

者養馬頌馬攻特狂馬蹄齧不可乘用故因秋祭

馬社祭始乘臧僕簡為馭者冬祭馬步祭神為

者馭馬於王講馭夫馭車從車○凡

大祭祀朝覲會同皆有用之馬五馬而頌之齊其毛

授以馬賜遺則執以而從之策而從之

凡賓客受其幣馬受其庭上喪飾遺車之馬及

葬埋之田獵則帥驅逆之○凡將事于四海

山川則飾黃駒黃中之色凡國之使者共

其幣馬獎馬或以賜諸凡雷事物馬而頌之齊

足力而等馭夫之祿自馭馬以下皆有祿宮中

之稍食謂馬皆有養乘於○並上

黃鵠之飛日行千里有必飛之備也麒麟騶駟

每一日走千里有必走之勢也虎豹熊羆而無

敵者有必勝之理也商子

馬毛大尾親友自絕註云取馬毛大尾置朋友

相憎矣○萬畢術夫婦衣中夫婦自

古之善相馬者寒風氏相口正因麻朝相頰子女厲

相日衛忌相髭許鄙相脫投伐褐相胸脇管青

相臍肋陳悲相股脚秦牙相前贊君相後呂氏春秋

馬頭為王欲得方目為丞相欲得光脊為將軍

欲得強腹脇為城郭欲得張四下為令欲得者

凡相馬之法先除三羸五駑乃相其餘大頭小

頸一羸弱脊大腹二羸小頸大蹄三羸大頭緩

耳一駑長頸不折二駑短上長下三駑大髀括賈

切短脇四駑淺骹薄鬮五駑月民要術

相馬不藏法肝欲得小耳小小肝小肝小識人

意肺欲得大鼻大則肺大肺大則能奔心欲得

大目大則心大心大則猛利不驚目四滿則朝

暮健腎欲得小腸欲得厚且長腸厚則腹下廣

方而平脾欲得小膝腹小則脾小脾小則易養

望之大就之小筋馬也望之示就之大肉馬也

皆可乘致致瘦欲得見其肉謂前肩守肉致肥欲得

見其骨骨謂頭顱馬龍顱突目平脊大腹腔重有肉

此三事備者亦千里馬也水火欲得分水火在鼻兩孔

也間上唇欲急而方口中欲得紅而有光此馬千

黃真勿不
卷之四十六
五
三六
高麗堂

里馬上齒欲鈎鈎則壽下齒欲鋸鋸則怒頷下

欲深下唇欲緩牙欲去齒一寸則四百里牙劍

鋒則千里嗣骨欲廉如織杼而濶又欲長頷下

是目欲滿而澤眶欲小上欲弓曲下欲直素中

欲廉而張素鼻孔上陰中欲得平主人欲小股稟

前也陽裏欲高則怒股中上額似方而平入肉欲

大而明耳下玄中欲深耳下耳欲小而銳如削筒

相去欲促鬚欲戴中骨高二小骨也易骨欲直

眼下直頰欲開赤長鷹下欲廣一尺以上名曰

挾一作尺能久走鞅欲方頰前喉欲曲而深胸欲

直而出譚間鳧間欲開望視之如雙鳧頸骨欲

大肉次之髻欲極而厚且折季毛欲長多覆肝

肺無病髮後背欲短而方脊欲大而抗胸筋欲

大夾脊飛鳧見者怒胸欲三府欲齊兩路及尻

欲頰而方尾欲減本欲大脇肋欲大而窪名曰

上渠能久走龍翅欲廣而長升肉欲大而明髀

肉輔肉欲大而明前脚腸欲充腔小腔季肋欲

張短懸薄欲厚而緩脚虎口欲開股腹下欲平

滿善走名曰下渠日三百里陽肉欲上而高起

髀外近前髀欲廣厚汗溝欲深明直肉欲方能久走

髀後肉也輸一作鼠欲方直肉下也胸肉欲急髀裏也間筋

欲急短而減善細走輸鼠下筋機骨欲舉上曲如懸

匡馬頭欲高距骨欲出前間骨欲出前後曰外

臨蹄附蟬欲大前後目夜股欲薄而搏善能走

後髀前骨臂欲長而膝本欲起有力前脚膝上句前肘後欲

開能走膝欲方而庫髀骨欲短兩肩骨欲深名

曰芙蓉怒蹄欲厚三寸硬如石下欲深而明其

後開如鷄翼能久走上

夫因氣含生罕不以形相別至於比德方事龍

馬則同類焉是以蔡曇觀其智衛忌相其才抑

亦昭發於圖緯而刊載於寶牒章皇王之符瑞

叶河洛之禎祥故以丹青列其形銅玉傳其象

至如騄耳驊赤驥白麟之絕黃渠山子踰輪

之異不可得而比也故能遙碣石而礫倒畧排

闡闔而軼姑徐非夫歸風彌塵之迹超虛送日

之步安能若是哉望絳宮而驤首指瓊臺而一

息繁可得而齊影矣至於詩書所記名色寔多
駢駘麗乎垆野皎質耀乎空谷或表形駟紫被
乎青玄難可盡言矣其有龍文騶裏之倫取其
電逝而颺逸麟駟駃騠之儔亦騰驤以稱駿莫
不待盛明而皆出歷代之神寶矣次有蒲梢嚙
膝魚文驪駒之類或擅名於漢右或珎生於冀
北備飾于涓正填列於帝阜進則克服于上襄
而驂驪于瑤輅退則羈棄於下圉而思馭於帝
閑俟吳班秦公之見識仰天門而彌遠窺雲路
而何難哉使乎韓哀孫陽之復執靶豈傷吻幣
策伏匿而不進焉自非神徹幽遐體照冥遠驅

駕羣龍窮觀天域詳搜迥古靡得儔焉

蕭綺拾遺記錄

孔穎達曰古人不騎馬故經典不見至趙武靈

王謀胡服騎射以教百姓李牧日殺牛饗士習

騎射始見於此又宋劉炫謂左氏左師展將以

公乘馬而歸此騎馬之漸予按古者服牛乘馬

馬以駕車不單騎也至六國時始單騎

群碎錄

佛說馬有八態譬人經云佛告諸比丘馬有弊

惡入態何等爲八一態者解羈韁時便掣車欲走二態者車駕跳梁欲嚙其人三態者頓舉前兩脚掣車而走四態者便踢車輪五態者使人立持輓摩身抄車却行六態者便傍行斜走七態者便掣車馳走得值濁泥止住不行八態者懸籠餒之熟視不食其主牽去欲駕之時遽舍噉啖飲食不得佛言人亦有弊惡八態何等爲八一態者聞說經便走不欲樂聽如馬解羈韁掣車走時二態者聞說經意不解不知語所趣向便瞋跳梁不欲樂聞如馬駕車跳梁欲齧人時三態者聞說經便逆不受如馬舉前兩脚掣車走時四態者聞說經便罵如馬踰車輪時五態者聞說經便起去如馬人立持輓摩身抄車却行時六態者聞說經不肯聽頓頭邪視耳語如馬傍行斜走時七態者聞說經便欲窮難問之不能相應答便死抵妄語如馬得濁泥便止不復行八態者聞說經不肯聽及念嬉佚多求不欲聽受死入惡道時乃遽欲學問行道亦不

能復得行道如馬懸籠餒之熟視不肯食其主
牽去欲駕之乃遽合喙噬亦不得食法苑珠林

羆差之山多馬山海經○又北

有文馬縞身色白如縞朱鬣目若黃金名曰吉量一作

良乘之壽千歲周書曰犬戎文馬赤鬣白身目

獻之六韜曰文身朱鬣眼若黃金項若雞尾名

曰雞斯之乘大傳曰駸身朱鬣雞目山海經亦

有吉黃之乘壽千歲者惟名有不同說有小錯其實一物耳

騰黃者神馬也其色黃一名乘黃亦曰飛黃或
作古黃或曰翠黃其狀如狐初學記

龍馬者仁馬也一河水之精高八尺五寸長頸有

翼傍有垂毛鳴也宋書

其名則汗血山下桃驂綠耳金喙騰黃騶吾吉

光蒲稍戩服野鹿天蛾鹿白蟻雞斯蜚鴻母兒遺

風騶囊茲白織馬賦

馬有秀騏逢馳口子

馬稱驕驪騄生譽郭椒丁櫟桓譚新論

馬屬白馬黑脊蹄白馬朱鬣駱飛黃騶吾吉量

朱駮飛兔金喙騶囊走狐馱馱飛鴻野麋腹丹

騏驎駮駟驛駮驛汗血驪駮巨鹿駮鹿

廣雅

滇池縣有澤水周迴二百里所出深廣下流淺

狹似如倒流故俗曰滇池長老傳言池中有神

馬與家馬交則生駿駒世稱滇池駒日行五百

里 華陽國志

盧縣有馬穴山傍有地道漢時常有百匹馬出

其中形皆小似滇池馬今遂名其處曰馬穴

荆州

圖說

舜駕五龍馬行康衢 列子

飛兔者神馬之名日行三萬里禹治水勤勞歷

年救民之害天應其德而至 吳志

馱蹄者后土之獸也自能言語王者仁孝於民

則出禹治水有功而來 孫氏瑞應圖

微子乘白馬入周曰白馬氏

天子東遊至於蕃澤使宮樂謠曰黃之池其馬

歆沙皇人威儀蕃之澤其馬歆玉皇人壽穀

穆天

子傳

綠耳又作綠耳涇黃又名訾黃

天子命駕八駿之乘右服黼駟而左綠耳右騄
赤龍而左白箬天子主車造父為御啗啗為右
次車之乘右服漚黃而左踰輪右盜驪而左山
子栢天子車參石為御奔戎為右 穆天子傳
犬戎觴天子于千里首之阿乃獻良馬四駟天子
使孔牙受之曰平山水之平寒爰有黑牛白角黑
羊白血

八駿之乘以飲於枝詩之中積石之南河 並上

北唐之君來見以一驪馬是生綠耳八駿皆因

其毛色以為名號 竹書紀年

天子大享於平衍之中鸚韓之人無鳧乃獻良

馬百匹用牛三百良犬七千 穆天子傳

東海島龍川穆天子養八駿處也島中有草名

龍芻馬食之一日千里古語云一株龍芻化為

龍駒 述異記

穆王巡行天下馭黃金碧玉之車傍氣乘風起

朝陽之岳自明及晦窮萬縣之表有書史十人

記其所行之地又副以瑤華之輪十乘隨王之

後以載其書也王馭八龍之駿一名絕地足不踐土二名翻羽行越飛禽三名奔霄夜行萬里四名超影逐日而行五名踰輝毛色炳耀六名超光一形十影七名騰霧乘雲而奔八名挾翼身有肉翅逾而駕焉按轡徐行以匝天地之域

拾遺記

周宣王三十三年幽王生是歲有馬化爲狐晉平公出畋見乳虎伏而不動顧謂師曠曰吾聞之也霸王之主出則猛獸伏不敢起今者寡人出見乳虎伏而不動此其猛獸乎師曠曰鵠食狷狷食駮駮食麤駮食豹豹食駮駮食虎夫駮之狀有如駮馬今者君之出必駮駮馬而出畋乎公曰然師曠曰臣聞之一自誣者寤再自誣者辱三自誣者死今夫虎所以不動者爲駮馬也固非主君之德義也君柰何一自誣乎

說苑

景公有馬其圉人殺之公怒援戈將自擊之晏子曰此不知其罪而死臣請爲君數之令知其罪而殺之公曰諾晏子舉戈而臨之曰汝爲吾

君養馬而殺之而罪當死汝使吾君以馬之故
殺圉人而罪又當死汝使吾君以馬故殺人聞
於四隣諸侯汝罪又當死公曰夫子釋之夫子
釋之勿傷吾仁也上

齊景公好馬命畫工圖而訪之殫百馬之價期
年而不得像過實也今使愛賢之君考古籍以
求其人雖期百年不可得也符子

齊景公遊少海傳騎從中來謁曰嬰疾甚且死
恐公後之景公遽起傳騎又至景公曰趣駕煩

且之乘使騶子韓樞御之行數百步以騶為不
疾奪轡代之御可數百步以馬為不進盡釋車

而走以煩且之良而騶子韓樞之巧而以為不

如下走也韓子

公遊於紀得金發視之中有丹書曰食魚

無反勿乘駑馬公曰善哉知苦言食魚無反則

惡其鰈也勿乘駑馬惡其取道不遠也晏子對

曰不然食魚無反毋盡民力乎勿乘駑馬則無

置不肖於側乎晏子

置不肖於側乎晏子

秦繆公將田而喪其馬求三日而得之於莖山之陽有鄙夫乃相與食之繆公曰此駿馬之肉不得酒者死繆公乃求酒徧飲之然後去明年晉師與繆公戰晉之左格右者圍繆公而擊之甲已墮者六矣食馬者三百餘人皆曰吾君仁而愛人不可不死還擊晉之左格右免繆公之

死

韓詩外傳

孔子侍坐於季孫季孫之宰通曰君使人假馬其與之乎孔子曰吾聞君取於臣謂之取不曰

假季孫悟告宰通曰今以往君有取謂之取無

曰假上

韓宣子曰吾馬菽粟多矣甚懼何也寡人患之周市對曰使駒盡粟以食雖無肥不可得也名多與之其實少雖無臞亦不可得也主不審其情實坐而患之馬猶不肥也

韓非子

伯樂教其所憎者相千里之馬教其所愛者相駑馬千里之馬時一其利緩駑馬日售其利急此周書所謂下言而上用者惑也

上

伯樂令其子執馬經以求馬逾年無有似者歸以告父更令求之出見大蝦蟆謂父曰得一馬畧與相同而不能具伯樂曰何也對曰其馬隆顛跌目脊郁縮但蹄不如累趨耳伯樂曰此馬好跳擲不堪御也子笑乃止

朝野僉載

秦孝公二十一年有馬生人昭王二十年牡馬生子而死劉向以為皆馬禍也京房易傳曰方伯分威厥妖牡馬生子土無天子諸侯相伐厥妖馬生人

搜神記

公孫龍常爭論曰白馬非馬人不能屈後乘白馬無符傳欲出關關吏不聽此虛言難以奪實也

桓譚新論

走馬引檇里牧恭所作也為父報冤殺人而亡藏於山谷之下有天馬夜降圍其室而鳴夜覺聞其聲以為吏追乃犇而亡去明視之馬跡也乃惕然大悟曰豈吾所居之處將危乎遂荷衣糧而去入於沂澤援琴鼓之為天馬之聲號曰走馬引焉

古今注

秦始皇有七名馬追風白苑躡景追電飛翾銅爵晨鳧上

漢文帝十二年吳地有馬生角在耳前上向角長三寸左角長二寸皆大二寸劉向以為馬

不當生角猶吳不當舉兵向上也吳將反之變

云京房易傳曰臣易上政不順厥妖馬生角茲

謂賢士不足又曰天子親伐馬生角搜神記

文帝自代還有良馬九匹皆天下之駿馬也一

名浮雲一名赤電一名絕羣一名逸驃一名紫

燕騮一名綠螭驄一名龍子一名麟駒一名絕

塵號為九逸有來宜能御代王號為王良俱還

代邸西京雜記

漢武帝聞大宛有天馬遣李廣利伐之始得此

馬有角為奇故漢武為賦天馬之歌胡馬感北

風之思遂頓羈絕絆驤首而馳晨發京城食時

至燉煌北塞山下嘶鳴而去因名其處為候馬

亭西河舊事

東方朔遊吉雲之地得神馬一疋高九尺帝問

朔是何獸也朔曰昔西王母乘靈光輦以適東
 王公之舍稅此馬遊於芝田乃食芝田之草東
 王公怒棄馬於清津天岸臣至王公之壇因騎
 馬返繞日三匝然入漢關關猶未掩臣於馬上
 睡不覺而至帝曰其名云何對曰因疾為名步
 景當乘之時如駑蹇之驢耳東方朔曰臣有言
 雲草十種種於九景山東二千歲一花明年應
 生臣請走刈之得以秣馬終不饑也朔曰臣至
 東極過吉雲之澤多生此草移於九景之山全
 不如吉雲之地帝曰何謂吉雲朔曰其國俗之
 雲氣占吉凶若樂事則滿室雲氣起五色照人
 著於草樹皆成五色露珠甚甘帝曰吉雲露可
 得乎朔乃東走至夕而返得玄露青露盛青琉
 璃各受五合跪以獻帝遍賜羣臣羣臣得嘗者
 老者皆少疾者皆愈凡五官堂露董謁李克孟
 岐部瓊黃安也 洞冥記

衛將軍青生子或有獻騮馬者乃命其子曰騮
 字叔馬其後改為登字叔昇 西京雜記

武帝時身毒國獻連環羈皆以白玉作之碼碯石爲勒白光琉璃爲鞍鞍在暗室中常照十餘丈如晝日自是長安始盛飾鞍馬競加雕鏤或一馬之飾直百金皆以南海白蜃爲珂紫金爲華以飾其上猶以不鳴爲患或加以鈴鐻飾以流蘇走則如撞鍾磬若飛幡保後得貳師天馬帝以玳瑁石爲鞍鏤以金銀鍮石以綠地五色錦爲蔽泥後稍以熊羆皮爲之熊羆毛有綠光皆長二尺者直百金卓王孫有百餘雙詔使獻

二十枚

西京雜記

漢哀帝建平三年定襄有牡馬生駒三足隨羣飲食五行志以爲馬國之武用三足不任用之

象也

搜神記

王莽建國三年池陽有小人長一尺餘或乘馬或步行搽持萬物小人皆自相稱三日乃止莽甚惡之

五行記

馬援得駱越銅鼓乃鑄爲馬式還上之因表曰夫行天莫如龍行地莫如馬馬者甲兵之本國

之大用安寧則以別尊卑之序有變則以濟遠
 近之難昔有騏驥一日千里伯樂見之昭然不
 惑近世有西河子輿亦明相法子輿傳西河儀
 長孺長孺傳茂陵丁君都君都傳成紀楊子阿
 臣援嘗師事子阿受相馬骨法臣愚以為傳聞
 不如親見視景不如察形今欲形之於生馬則
 骨法難備具又不可傳之於後孝武皇帝時善
 相馬者東門京鑄作銅馬法獻之有詔立馬于
 魯班門外則更名魯班門曰金馬門臣謹依儀
 氏韉中帛氏口齒謝氏脣髻丁氏身中備此數
 家骨相以為法馬高二尺五寸圍四尺四寸有
 詔置於宣德殿下欲為名馬式焉後漢書

肅宗崩廉范奔赴敬陵時廬江郡掾嚴麟俱會
 於路麟乘小車塗深馬死不能自進范見而愍
 然命從騎下馬與之不告而去麟事畢不知馬
 所歸乃緣蹤訪之或謂麟曰故蜀郡太守廉叔
 度好周人窮急今奔國喪獨當是耳麟亦素聞
 范名以為然即牽馬造門謝而歸之後漢書

失馬塞翁姓李見高谷詩序

鮑宣子永永子昱皆為司隸而乘一驄馬京師人歌之曰鮑氏驄三人司隸再入公馬雖瘦行

步工後漢書

茨文字子河宛人舉孝廉之京師同侶馬死充到前亭輒舍車持馬還相迎鄉里號曰一馬兩車茨子河

孔仲山正身勵行辭公府之京師宿下亭盜竊其馬尋知是仲山馬乃責讓曰孔仲山善士豈

宜侵盜送馬還之上

薛翁者長安善相馬者也於邊郡求得駿馬騎以入市去來人不見也後勞問之因請觀焉翁

曰諸卿無目不足視也相譚新論

曹洪家盈產業駿馬成羣武帝討董卓夜行失馬洪以所乘馬讓帝其馬號曰白鵠此馬走時惟覺耳邊風聲足似不踐地諺曰憑空虛躍曹

家白鵠拾遺記

驚帆曹真有駛馬名曰驚帆言其馳驟如烈風

之舉帆疾也

張飛有馬號玉追時歌曰人中有張飛馬中有

王追

寰宇記

豹月鳥張飛馬

彙苑

魏曹彰性倜儻偶逢駿馬愛之其主所惜也彰

曰余有美妾可換唯君所選馬主因指一妓彰

遂換之馬號曰白鶻

獨異志

廣漢楊翁仲聽鳥獸之音乘蹇馬之野田間有

放眇馬相去鳴聲相聞翁仲謂其御曰彼放馬

知此馬而目眇其御曰何以知之曰罵此轅中

馬蹇此馬亦罵之眇其御不信往視之目竟眇

焉

論衡

魏時鮮卑獻千里馬白色兩耳黃名曰黃耳

穆天

子傳

程堅南陽人居翁以磨鏡給養母喪哀號櫪下

有馬每聞堅哭輒淚出暫輟芻草

魏畧

魏齊王嘉平初白馬河出妖馬夜過官牧邊鳴

呼衆馬皆應明日見其跡大如斛行數里還入

黃平夢舍中馬舞數十人向馬拍手索統曰馬火也馬舞火起也向馬拍手救火也平未歸火發大興二年丹陽郡吏濮陽演馬生駒兩頭自項前別生而死此政在私門二頭之象也其後王敦陵上上

李南乘赤馬行道逢他人乘白馬者白馬先鳴而南赤馬應之南謂從者曰彼馬言汝當見一黃馬左目盲者是吾子可為使駛行相及從者不信行二里所果逢黃馬而左目盲南馬先鳴而黃馬應之問其主果向白馬子也抱朴子

符堅為慕容冲所襲堅驅馬墮而落澗追兵幾及計無由出馬即踟躕臨澗而垂鞍與堅堅不能及馬又跪而受焉堅援之得登岸而西至廬

江 異苑

吾與玄子觀東海釋駟而升乎岷山未中路而忘馬符子使人求之不獲使鬼索之而獲符子曰六合不可忘故知良馬在其中矣請以六合

之觀觀之也

符子

王武子好馬非馬不行正旦則柳葉金障泥上
元則滿月韉清明則剪水鞭重午則籠嬌鞍中
秋則玉櫳總絡頭重陽則蟬兒鐙春秋社則塗
金鞍冬至則嘶風鐙除日則藥王鞍每節則飼
馬以明紗豆薔薇草

馬癖記

老宿諺言赫連之世有駿馬名曰白口驪

水經注

上以王融才辯十一年使兼主客接虜使房景

高宗弁上以虜獻馬不稱使融問曰秦西冀北

實多駿驥而魏主所獻良馬乃駑駘之不若求

名檢事殊爲未孚將旦旦信誓有時而爽駟駟

之牧不能復嗣宋弁曰不容虛僞之名當是不

習土地融曰周穆馬跡徧於天下若騏驥之性

因地而遷則造父之策有時而躡弁曰王主客

何爲懃懃於千里融曰鄉國旣異其優劣聊復

相訪若千里日至聖上當駕鼓車弁曰向意旣

須必不能駕鼓車也融曰買死馬之骨亦鄙隗

之故弁不能答

南齊書

曇邃少出家止河陰白馬寺蔬食布衣誦法華經又釋達經旨亦為人解說常於夜中忽聞扣戶云欲請法師九旬說法邃不許固請乃赴之而猶是眠中比覺已身在白馬塢神祠中拜一弟子自是日日密往餘無知者後寺僧經祠前見有兩高座邃在北弟子在南如有講說聲又聞有奇香之氣於是道俗共傳神異至夏竟神施白馬一疋白羊五頭絹九十匹咒願畢於是而絕神僧傳

梁武帝有良馬名照殿玉獅子小說

陸法和嘗謂人曰勿繫馬於碓其人行過鄉曲

門側有碓因繫馬於其柱入門中憶法和戒走

出將解之馬已斃矣

北齊書

河間王琛遣使至波斯國求得千里馬號追風

赤以銀為槽金為鎖環

洛陽伽藍記

北齊散騎常侍河南陸又黃門郎印之子也印

字雲駒而又患風多所遺忘嘗與人馬曰雲駒

鬮神符者常帶符與人渡漳水至失符又笑曰

劉君渡水失神符其人答曰陸又名馬作雲駒

談叢

王皓字季高少立名行性懦緩嘗從文宣北伐乘赤馬赤蒙霜氣遂不復識自言失馬虞侯為求不得須臾日出馬體霜盡繫在幙前方云我

馬尚在北史

韋夔至延州見弟孝寬以所乘馬及轡勒與之夔惡其華飾心弗欲之笑謂其弟曰昔人不棄遺簪墜履者惡與之同出不與之同歸也卒乘

舊馬而歸上

煬帝使李星御馬一匹名獅子駮海錄碎事○

修彌國多神馬騾驢十丈毛色皎然能行水上

有兩翼或飛於海上常與牧馬合則生神驢洞真

記

趙簡子有兩白驢而甚愛之陽城胥渠處廣門

之官夜欵門而謁曰主君之臣胥渠有疾醫教

之曰得白驢之肝病則止不得則死於是召庖

人殺白驢取肝以與陽城胥渠處無幾何趙興

兵而攻翟廣門之官左七百人右七百人皆先登而獲甲首 呂氏春秋

漢靈帝養驢數百頭常自騎之驅馳遍京師有

時駕四驢入市

金樓子○又宋廢帝亦于殿上養驢

王粲好驢家畜數頭其價有至百金者其一曰

落釵其二曰遠遊其三曰鷲翼其四曰白鳳其

五曰臨江其六曰上雲其七曰奔濤其八曰飛

星

下帷短牒

石虎鄴中有一胡道人知咒術乘驢作估客于

外國深山中行正有絕澗窅然無底忽有惡鬼

偷牽此道人驢下入絕澗道人尋跡咒誓呼諸

鬼王須臾即驢物如故

搜神記

釋道安常乘赤驢往來荆襄間一日而徧

王奂初拜僕射劉祥與奂子融載行至中堂見

路人驅驢祥曰驢汝好為之如汝人才皆已令

僕矣

南齊書

元恒傲狼兇龐安豐王延明每切責之曰昔宋

有東海王禕志性凡劣人號曰驢王我熟觀汝

所作亦恐不免驢當時聞者號為驢王後魏書

沙苑之敗李神雋策眇馬而走曰丁掾力馬倒

曰丁掾誤我北史

若乃三軍陸邁糧運艱難謀臣停筭武夫吟歎

爾乃長鳴上黨慷慨應邦崎嶇千里荷囊致餐

用捷大勲歷世不刊斯寔爾之功者也音隨時

與晨夜不默仰堦玄象俯協漏刻應更長鳴毫

分不忒雖挈壺著稱未足比德斯又爾之智也

若乃六合昏晦三辰幽瞑猶憶天時用不廢聲

斯又爾之明也青脊隆身長頭廣額修尾後垂

巨耳雙磔斯又爾之相也嘉麥既熟實湏精麩

負磨迴衡迅若轉電惠我眾庶神祇獲薦斯又

爾之能也爾有濟師旅之勲而加之以眾能是

用遣中大夫閻丘騾加爾使銜勒大鳴鴻臚班

脚大將軍宮亭侯以揚州之廬江江州之廬陵

英國之桐廬合浦之珠廬封爾為廬山公宋索

諸集廬山公九錫文

附大蘭王九錫文曰太亥十年九月乙亥

高祖堂

朔十三日丁亥北燕伯使使者豪豨冊命
大蘭王曰唯君稟太陰之沉精標羣形於
玄質體肥膈而洪茂長無心以遊逸資豢
養於人主雖無爵而有秩此君之純也君
昔封國殷商號曰豕氏葉隆當時名垂後
世此君之美也白滴彰於周詩港波應乎
隆象歌詠垂於人口經千載而流響此君
之德也君相與野遊爲君雄顧羣數百自
西徂東俯歎洙則成霧仰奮鬣則生風猛
毒必噬有敵必攻長驅直突陣無全鋒此
君之勇也

過去世時有城名波羅柰國名伽尸有一婆羅
門有摩沙豆陳以煮不可熟持着肆上欲賣與
他都無人買時有一人家有一態驢市賣難售
時陳豆主便作是念我當以豆買此驢用便狂
語言汝能持驢買此豆那驢主復念用是態驢
爲當取彼豆即便答言可爾得驢已歡喜爾時
豆主便作是念今得驢子便即說頌曰婆羅門

法巧販賣陳久沙豆十六年唐盡汝薪煮不熟
感折小齒
爾時驢主亦作頌曰汝婆羅

門何所喜雖有四脚毛衣好負重着道令汝知
錐刺火燒終不動爾時豉復說偈言獨生千秋
杖頭着四寸針能治敗態驢何憂不可伏爾時
驢聞復瞋卽說誦曰安立前二足雙飛後兩蹄
折汝前板齒然後自當知爾時豆主聞驢此頌
復說偈言蚊蚋毒虫螫唯仰尾自防當截汝尾
却令汝知辛苦爾時驢復以偈答言從先祖已

來行此懺快法今我故承習死死終不捨爾時
豆主知此弊惡不可苦語便更稱譽以頌答曰
音聲鳴徹好面白如珂雪當爲汝取婦共遊林
澤中驢聞輒愛語復說頌曰我能負八斛日行
六百里婆羅當知聞取婦歡喜故

僧祇律

爾時殊致羅婆菩薩告諸龍言過去世時此賢
劫初有一天子名曰大三摩多端正少雙才智
聰明以正行化常樂寂靜不樂愛染常樂潔身
王有夫人多貪色慾王旣不幸無處遂心曾於

一時見驢命羣根相出見慾心發動脫衣就之
 驢見卽交遂成胎藏月滿生子頭耳口眼悉皆
 似驢唯身類人而復麤澀駁
 夫人見之心驚怖畏卽便委棄投於廁中以福
 力故處空墜時有羅利婦名曰驢神見兒不汚
 念言福子遂于空中接收洗持將往雪山乳哺
 畜養猶如已子等無有異及至長成教服仙藥
 與天童子日夜共遊復有大天亦來愛護此兒
 飲食甘果藥草身體轉異福
 莊嚴大光照曜

如是天衆共同稱美號爲法驢
 以是因緣彼雪中并及餘處悉
 華好果好藥好香種種清流種
 住普皆豐盈以此藥果資益因
 相悉轉身體端正唯脣似驢是故名爲驢脣仙
 人
 大集經
 餘形容麤

廣博物志卷之四十六 終

